

Broj: 10-14/5-229-10-~~6~~/18
Sarajevo, 14.03.2018. godine

Na osnovu člana 70. st. (1), (3) i (6) Zakona o javnim nabavkama BiH („Službeni glasnik BiH”, broj 39/14), (u daljem tekstu: Zakon), na preporuku Komisije za javnu nabavku, u postupku javne nabavke poštanskih usluga, federalni ministar poljoprivrede, vodoprivrede i šumarstva, d o n o s i

O D L U K U

o izboru najpovoljnijeg ponuđača za nabavku poštanskih usluga

Član 1.

Na osnovu provedenog otvorenog postupka sa objavom obavještenja na portalu Javnih nabavki broj: 855-1-2-4-3-7/18 od 06.02.2018. godine prihvata se preporuka Komisije za javne nabavke i okvirni sporazum za nabavku poštanskih usluga za potrebe Federalnog ministra poljoprivrede, vodoprivrede i šumarstva dodjeljuje se ponuđaču **JP BH POŠTA** Sarajevo za ponudu broj: 01.-13.73-2961-3/18 u iznosu od **68.336,00 KM** na period od dvije godine.

Član 2.

Prijedlog okvirnog sporazuma o nabavci poštanskih usluga dostavit će se izabranom ponuđaču iz člana 1. ove odluke najkasnije 10 dana od dana okončanja postupka javne nabavke.

Član 3.

Ova odluka bit će objavljena na službenoj internetskoj stranici Federalnog ministra poljoprivrede, vodoprivrede i šumarstva, www.fmpvs.ba i dostavit će se izabranom ponuđaču koji je učestvovao u postupku javne nabavke, u skladu sa članom 70. stav (6) Zakona.

Uz ovu odluku ponuđaču koje je učestvovao u postupku javne nabavke izvršiće se dostavljanje i Zapisnika o pregledu i ocjeni ponude u skladu sa članom 71. stav (2) Zakona u roku od 7 (sedam) dana od dana donošenja.

Član 4.

Za realizaciju ove odluke zadužuje se Sektor za finansije i računovodstvo.

Član 5.

Ova odluka stupa na snagu danom donošenja.

O b r a z l o ž e n j e

Federalno ministarstvo poljoprivrede, vodoprivrede i šumarstva donijelo je Odluku o pokretanju postupka javne nabavke broj: 10-14/5-229-10/18 od 01.02.2018. godine za nabavku poštanskih usluga. Javna nabavka je sprovedena po otvorenom postupku.

Procjenjena vrijednost javne nabavke bez PDV-a je 70.000,00 KM.

Obavještenje o nabavci broj: 855-1-2-4-3-7/18, a objavljeno je na Portalu javnih nabavki dana 06.02.2018. godine.

Komisija za javnu nabavku roba i usluga imenovana Rješenjem federalnog ministra poljoprivrede, vodoprivrede i šumarstva broj: 10-14/5-229-2/18 od 27. 02. 2018. godine.

Do krajnjeg roka utvrđenog u zahtjevu za dostavu ponude, tj. do 08.03.2018. godine do 09,00 sati pristigla je ponuda ponuđača: JP BH POŠTA Sarajevo.

Dostavljena ponuda "JP BH POŠTA" Sarajevo, zadovoljava uslove iz tenderske dokumentacije broj:10-14/5-229-10-1/18.

Postupajući po pristiglim ponudama Ugovorni organ je donio Odluku o izboru najpovoljnijeg ponuđaču "JP BH POŠTA" Sarajevo, na iznos od **68.336,00** KM.

U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U provedenom postupku nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku poštanskih usluga.

Naime, u postupku je ocijenjeno da je Komisija u svemu pravilno postupila te da izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, ponuđač "JP BH POŠTA" Sarajevo jedini dostavio prihvatljivu ponudu u predmetnom postupku javne nabavke poštanskih usluga u iznosu od 68.336,00 KM na period od dvije godine.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 10 (deset) dana od dana prijema ove Odluke i to u pisanoj formi i u dovoljnom broju primjeraka a koji ne može biti manji od tri.



Dostaviti:

- "JP BH POŠTA" Sarajevo,
- a/a.